

ՍՈՒՍԱԿԻ ՎԻՇՏԸ

- Մի օր տեսավ օտար թըռչուն՝
Սոխակ կուլար կուց-կուց արյուն,
– Ինչո՞ւ, ասավ, սոխակ սիրուն,
Ինչո՞ւ կուլաս կուց-կուց արյուն.
- 5 Ինչո՞ւ, մինչ երբ դու երերուն
Տըխուր կուլաս շոր թըփերուն,
Աշխարհ ամեն վառ քո սիրուն,
էդ ճըռվոռան քո երգերուն,
Հապա ինչո՞ւ դու օրն ի բուն,
- 10 էս լուս ու մութ առավոտուն,
էս շատ անուշ գով հովերուն
Ախ ու վախով կուլաս արյուն:
– Ի՞նչ կըխոսես, օտար թըռչուն,
Խենթ ու խելառ դու ցընորուն.
- 15 Չմե՞ռ նըստեց մեր սարերուն,
Կըտրեց ջըրիկ աղբյուրներուն,
Կըտրեց հոտիկ ծաղիկներուն,
Կըտրեց ձենիկ իմ ձագերուն,
Ի՞նչպես շըլամ կուց-կուց արյուն:
- 20 էլի ասավ օտար թըռչուն.
– Հերիք դու լաս, սոխակ սիրուն,
Հերիք դու լաս կուց-կուց արյուն,
էլի կուգա քեզ նոր գարուն,
Արև ծագե էս վայրերուն,
- 25 Հալին ձյուներ մեր սարերուն,
Բացվին ջըրեր աղբյուրներուն,
Ու շուրջ առած քո ձագերուն
Բարև կուտաս ծաղիկներուն: